

ერთი მხრივ, სსიპ „სასწრაფო სამედიცინო დახმარების ცენტრი“, შემდგომში „შემსყიდველი“, წარმოდგენილი მისი დირექტორის დავით ტორუას სახით და მეორე მხრივ, შპს „გლობალ საპლაიერი“ შემდგომში „მიმწოდებელი“, წარმოდგენილი მისი დირექტორის ინგა ზუზუბაიას სახით, ორივე ერთად წოდებული როგორც „მხარეები“, საქართველოს მოქმედი კანონმდებლობის, „სახელმწიფო შესყიდვების შესახებ“ საქართველოს კანონის 10¹ მუხლის პირველი პუნქტის, ამავე კანონის 16¹ მუხლის პირველი და მე-8 პუნქტის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ საქართველოს შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-15 მუხლის პირველი პუნქტის, მე-19 მუხლის მე-6 პუნქტის შესაბამისად, ვდებთ წინამდებარე ხელშეკრულებას შემდეგზე:

1. ტერმინთა განმარტებები

„ხელშეკრულებაში“ გამოყენებულ ტერმინებს აქვს შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – „შემსყიდველს“ და „მიმწოდებელს“ შორის დადებული „ხელშეკრულება“, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე სხვა დოკუმენტაციით, რომელზეც ხელშეკრულებაში მინიშნებებია;
- 1.2. „ხელშეკრულების ღირებულება“ – თანხა, რომლის გადახდის ვალდებულება ეკისრება „შემსყიდველს“ „მიმწოდებლის“ მიერ „ხელშეკრულებით“ ნაკისრი ვალდებულებ(ებ)ის სრული და ზედმიწევნით შესრულებისთვის.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს „საქონლის“ მიწოდებას „ხელშეკრულების“ პირობების შესაბამისად.
- 1.5. „მხარეები“ – „შემსყიდველი“, რომელიც ახორციელებს შესყიდვას და „მიმწოდებელი“, რომელიც ახორციელებს „საქონლის“ მიწოდებას, „ხელშეკრულების“ პირობების გათვალისწინებით.
- 1.6. „საქონელი“ – „ხელშეკრულების“ მე-2 მუხლით გათვალისწინებული შესყიდვის ობიექტი.
- 1.7. „ტექნიკური დოკუმენტაცია“ – „მიმწოდებლის“ მიერ წარმოდგენილი ტექნიკური დოკუმენტაცია და ფასების ცხრილი, რომელიც შეესაბამება სატენდერო დოკუმენტაციით გათვალისწინებულ მოთხოვნებს, წარმოადგენს „ხელშეკრულების“ განუყოფელ ნაწილს და რომლის ნამდვილობაზეც პასუხს აგებს „მიმწოდებელი“ საქართველოს მოქმედი კანონმდებლობის შესაბამისად.
- 1.8. „ინსპექტირება“ – „ხელშეკრულების“ პირობების შესრულების კონტროლი და ზედამხედველობა.

2. ხელშეკრულების საგანი

- 2.1. სსიპ „სასწრაფო სამედიცინო დახმარების ცენტრის“ მიერ გათბობის სისტემების (CPV44620000 -ცენტრალური გათბობის რადიატორები და ბოილერები და მათი ნაწილები) გამარტივებული ელექტრონული ტენდერი (SPA170006093) საშუალებით შესყიდვა.
- 2.2. „საქონლის“ დეტალური აღწერა, რაოდენობა, ტექნიკური მახასიათებლები და ღირებულება, რომელიც „მიმწოდებლის“ მიერ წარმოდგენილია გამარტივებულ ელექტრონულ ტენდერში (SPA170006093), თან ერთვის „ხელშეკრულებას“ დანართის სახით.

3. ხელშეკრულების ღირებულება

- 3.1. „ხელშეკრულების“ საერთო ღირებულება შეადგენს 2577 (ორი ათას ხუთას სამოცდა ჩვიდმეტი) ლარს.
- 3.2. „ხელშეკრულების“ საერთო ღირებულება მოიცავს „მიმწოდებლის“ მიერ „ხელშეკრულებით“ ნაკისრი ვალდებულებების შესრულებასთან დაკავშირებულ „მიმწოდებლის“ ყველა ხარჯსა და საქართველოს კანონმდებლობით გათვალისწინებულ გადასახადებს.

4. საქონლის მიწოდების პირობები:

საქონლის მიწოდების ვადა:

საქონლის (თანმდევ მომსახურებასთან ერთად) მიწოდების ვადა ხელშეკრულების გაფორმებიდან 2017 წლის 30 ივნისის ჩათვლით. მოწოდება უნდა განხორციელდეს „მიმწოდებლის“ მიერ მისივე ხარჯებით.

საქონლის მიწოდების ადგილი:

- 4.1. სამუშაოს შესრულების ადგილია: სოფ. კოდა (შენობის II სართულზე არსებული 120 კვ.მ ფართი ს/კ 84.06.38.386).

საქონლის მიღება-ჩაბარების წესი

- 4.2. შესყიდვის ობიექტის მიღება-ჩაბარება განხორციელდება „შემსყიდველისა“ და „მიმწოდებლის“ უფლებამოსილი წარმომადგენლების მიერ შესაბამისი მიღება-ჩაბარების აქტ(ებ)ის გაფორმებით.
- 4.3. „შემსყიდველის“ მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს სსიპ „სასწრაფო სამედიცინო დახმარების ცენტრის“ ლოგისტიკის დეპარტამენტის, ლოგისტიკისა და სამეურნეო სამმართველოს უფროსი დავით კირკიტაძე და კოდის რაიონული სამსახურის უფროსი ნანა სუბელიანი.

5. ანგარიშსწორება

- 5.1. „საქონლის“ ღირებულების ანაზღაურება მოხდება უნაღდო ანგარიშსწორებით, ეროვნულ ვალუტა - ლარში.
- 5.2. ანგარიშსწორება „შემსყიდველის“ მიერ მოხდება „საქონლის“ მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და „მიმწოდებლის“ მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან არაუგვიანეს 10 (ათი) სამუშაო დღის განმავლობაში.
- 5.3. მიღება-ჩაბარების აქტ(ებ)ის გაფორმებასთან ერთად, „მიმწოდებელი“ ვალდებულია წარმოუდგინოს „შემსყიდველს“ საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, „შემსყიდველს“ უფლება აქვს უარი თქვას ანგარიშსწორებაზე.

6. მხარეთა ვალდებულებები და უფლებები

7. „მიმწოდებელი“ ვალდებულია:

- 7.1. უზრუნველყოს „შემსყიდველისათვის“ „საქონლის“ მიწოდება დროულად და ხარისხიანად.
- 7.2. უზრუნველყოს „შემსყიდველის“ მიერ ინსპექტირებისას გამოვლენილი დეფექტებისა და ნაკლოვანებების აღმოფხვრა დაუყოვნებლივ, საკუთარი ხარჯით.



7.4. „ხელშეკრულების“ გაფორმების შემდეგ „მიმწოდებელს“ არ აქვს უფლება „ხელშეკრულებით“ ნაკისრი ვალდებულებები განახორციელოს ქვეკონტრაქტორის მეშვეობით „შემსყიდველის“ წინასწარი წერილობითი თანხმობის გარეშე, ამასთანავე, „მიმწოდებელს“ უფლება არ აქვს მთლიანად ან ნაწილობრივ, „შემსყიდველის“ წერილობითი თანხმობის გარეშე, გადასცეს მესამე პირს „ხელშეკრულებით“ მისთვის მინიჭებული უფლება-მოვალეობანი.

8. „შემსყიდველი“ ვალდებულია:

8.1. მოახდინოს ანგარიშსწორება „მიმწოდებელთან“ ხელშეკრულების პირობების შესაბამისად.

9. მხარეთა უფლება

9.1. „მიმწოდებელს“ უფლება აქვს:

9.2. „ხელშეკრულების“ ფარგლებში მოითხოვოს დროული და სრული დაფინანსება.

9.3. „შემსყიდველს“ უფლება აქვს:

9.4. ცალმხრივად შეწყვიტოს ხელშეკრულების მოქმედება იმ შემთხვევაში, თუ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ, „მიმწოდებლისადმი“ გაგზავნილ წერილობით შეტყობინებაში მითითებული ვადიდან.

10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და „საქონლის“ მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. ხელშეკრულების პირობების გადასინჯვა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების საერთო ღირებულების 10%-ზე მეტი ოდენობით გაზრდა.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) სამუშაო დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო „მხარეები“ შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან/ და შესრულების ვადების გადაცდენის შემთხვევაში „მხარეებს“ ეკისრება „პირგასამტეხლო“ შეუსრულებელი ვალდებულების 0.2%-ის ოდენობით, ყოველ ვადაგადაცილებულ დღეზე გაანგარიშებით.

13.2. „პირგასამტეხლოს“ გადახდა უნდა განხორციელდეს „მხარის“ მიერ მეორე „მხარისადმი“ გაგზავნილ შესაბამის წერილში მითითებული ვადიდან არაუგვიანეს 15 (თხუთმეტი) სამუშაო დღის განმავლობაში.

13.3. საჯარიმო სანქციების გადახდა „მხარეებს“ არ ათავისუფლებს ძირითადი ვალდებულებების შესრულებისაგან.

13.4. იმ შემთხვევაში თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს „ხელშეკრულების“ ღირებულების 10%-ს, „შემსყიდველი“ უფლებამოსილია შეწყვიტოს „ხელშეკრულება“ და მოსთხოვოს „მიმწოდებელს“ შესაბამისი პირგასამტეხლოს გადახდა.

14. სადაო საკითხების გადაწყვეტა

14.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

14.2. თუ ასეთი მოლაპარაკების დაწყებიდან 10 (ათი) სამუშაო დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

15. ხელშეკრულების შეწყვეტა

15.1. „შემსყიდველი“ უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში.

16. ხელშეკრულების შესრულება

16.1. „ხელშეკრულება“ შესრულებულად ჩათვლება „შემსყიდველის“ მიერ „ხელშეკრულების“ მე-5 მუხლით გათვალისწინებული პირობების შესრულების შემდეგ.

17. ხელშეკრულების მოქმედების ვადა

17.1. წინამდებარე „ხელშეკრულება“ ძალაში შედის მხარეთა მიერ ხელმოწერისთანავე.

17.2. „ხელშეკრულების“ მოქმედების ვადა განისაზღვრება 2018 წლის 31 აგვისტოს ჩათვლით.

18. განსაკუთრებული პირობები

18.1. ხელშეკრულება შედგენილია 3 ეგზემპლარად, რომელთაც გააჩნიათ თანაბარი იურიდიული ძალა.

18.2. ხელშეკრულების ერთი ეგზემპლარი ინახება - „მიმწოდებელთან“, ხოლო ორი - „შემსყიდველთან“.

19. მხარეთა რეკვიზიტები

„შემსყიდველი“

სსიპ „სასწრაფო სამედიცინო დახმარების ცენტრი“

ს/კ: 205307960

იურიდიული მისამართი:

ქ.თბილისი,

აკ.წერეთლის გამზ. #144

ფაქტიური მისამართი:

ქ.თბილისი, აკ.წერეთლის გამზ. #117

დაფინანსების წყარო:

სახელმწიფო ბიუჯეტი

საბანკო რეკვიზიტები:

ბანკის ერთიანი ანგარიში

ბანკის კოდი - TRESGE22

შიდა ანგარიში - 200122900

სახაზინო კოდი - 3503030702

„მიმწოდებელი“

შპს „გლობალ საპლაიერ“

ს/კ: 406071557

იურიდიული მისამართი:

საქართველო, ქ. თბილისის,

ისანი-სამგორის რაიონში,

ვარკეთილი, III მასივი, ზემო

პლატო, კორ. N 25, ბ N 24

საბანკო რეკვიზიტები:

სს " ბანკი რესპუბლიკა"

ბ/კ: REPLGE22

აა: GE23BR0000010455751934



დავით ტორუა

ვიზირებულია: 23/05/2017 წელი

ვ.ჭანიშვილი;

გ. აბულაძე;

გ. თოფურიძე;

ა. შეყილაძე;

გ. ტარულიშვილი;

შემსრულებელი:

კ. ჩხოლარია

დანართი

ფასების ცხრილი

15 მაისი 2017 წელი
(შეესგების თარიღი)

შპს "გლობალ საპლაიერ" სატენდერო წინადადების ფასი 2577,00 (ორიათასხუთასსამოცდაჩვიდმეტი ლარი) ლარად.
(პრეტენდენტის დასახელება); (თანხა ციფრებით); (თანხა სიტყვიერად);

#	პრეტენდენტის მიერ შემოთავაზებული საქონლის დასახელება/ (მოდელი, მახასიათებლები)	მწარმოებელი ქვეყანა/ქარხანა	რაოდენობა	განზომილება	ერთეული ფასი (ლარი)	მთლიანი ღირებულება (ლარი)
	1	2	3	4	5	6
1	კედელზე დასამონტაჟებელი ქვაბი მუშაობის პრინციპი: ბუნებრივი აირი ქვაბის ტიპი: ორკონტურიანი წვის კამერის ტიპი: დახურული სიმძლავრე: 24 კვტ (მოდელი: AIRFEL) კოაქსიალური მილი (კომპლექტი), ქვაბის შესაერთებელი (კომპლექტი); ფილტრები ცივი წყლის შესასვლელზე და გათბობის კონტურის დაბრუნების კვანძზე.	თურქეთი, AIRFEL-DAIKIN	1	ცალი	1294,00	1294,00
2	600X1000 რადიატორი პანელური BERUSSA (სამონტაჟო კომპლექტაციით)	თურქეთი, REKORPAN	1	ცალი	150,99	150,99
3	600X1200 რადიატორი პანელური BERUSSA (სამონტაჟო კომპლექტაციით)	თურქეთი, REKORPAN	2	ცალი	191,39	382,78
4	600X1500 რადიატორი პანელური BERUSSA (სამონტაჟო კომპლექტაციით)	თურქეთი, REKORPAN	1	ცალი	181,29	181,29
5	500X1000 რადიატორი პანელური აბაზანის (ოვალური) DEKORPAN (სამონტაჟო კომპლექტაციით)	თურქეთი DEKORPAN	1	ცალი	145,94	145,94
6	მონტაჟი		1	ცალი	422,00	422,00

შენიშვნა:

□ გრაფები ივსება პრეტენდენტის მიერ.

აუცილებელი პირობა:

□ მე-1 სვეტში პრეტენდენტის მიერ მითითებული უნდა იქნას შემოთავაზებული საქონლის დეტალურად გაშიფრული ტექნიკური მახასიათებლები სატენდერო დოკუმენტაციით მოთხოვნილი პირობების შესაბამისად.

შპს "გლობალ საპლაიერ"

დირექტორი: ინგა ზუზბაია

